

मार्निंग डोगरी न्यूज़ बुलेटिन, समें. 09.20 Hrs

<><><><><><>

## Headlines

- 1- प्रधानमंत्री नरेंद्र मोदी हुंदी नमी सरकार च मंत्रिएं लेई मंत्रालयें दा ऐलान, राजनाथ सिंह, अमित शाह, निर्मला सीतारमण, एस. जयशंकर, नितिन गडकरी हुंदे मंत्रालय च कोई बदलाव नेई, डॉ. जितेंद्र सिंह उप्परोतली त्रीs बारी प्रधानमंत्री हुंदे दफतरै च मंत्री रौहडन।
- 2- रियासी आतंकी हमले दी पछौकड़ै च एल.जी मनोज सिन्हा होरें उच्यी सतह दी इक सुरक्षा बैक सद्दी, आखेआ जे हमलावरें गी बखशेया नेई जाग।
- 3- प्रशासनिक काउंसल दी कल लग्गी दी बैठका च केई महत्वपूर्ण फैसले, जे.के.एस.एस.बी दा मसौदा बिल गृह मंत्रालय गी सौंपने दी मंजूरी।
- 4 मुख सचिव अटल डुल्लू होरें सरकारी इमारतें पर सोलर पैनल लाने दे कम्मै ते कन्नै खीर भवानी मेले दिएं तैयारिएं दा जायजा लैता।
- 5 मौसम विभाग नै अज्जै थमां गर्मी दे होर बधने दी चेतावनी जारी कीती ऐ।

<><><><><><>

## Minister Portfolios

प्रधानमंत्री मोदी हुंदे नेतृत्व च नमी सरकार दे मंत्रिमंडल दी घोषणा करी दिती गई ऐ। राजनाथ सिंह होरें गी परतिए रक्षा मंत्रालय दिता गेआ ऐ। अमित शाह होरें गी गृह ते सहकारिता मंत्रालय दिता गेआ। नितिन गडकरी हुंदे कश शिड़क यातायात ते राश्ट्रीय जरनैली शिड़कें

सरबंधी मंत्रालय बश्कार रक्खेआ गोआ ऐ। निर्मला सीतारमण होर वित्त मंत्री ते डॉ. एस. जयशंकर होर विदेश मंत्री दे तौर पर गै अपनियां सेवां देडन। पियूष गोयल होरें गी उद्योग ते बपार मंत्रालय धर्मेन्द्र प्रधान होरें गी शिक्षा मंत्रालय गै दिता गोआ ऐ। बीजेपी अध्यक्ष जे.पी नड्डा होरें गी सेहत ते परोआर कल्याण मंत्रालय ते रसायन ते उर्वरक मंत्रालय दिता गोआ ऐ। मध्य प्रदेश दे मुख्ख मंत्री शिवराज सिंह चौहान होर राईबाई ते ग्रामीण विकास मंत्री होडन। अश्विनी वैष्णव होरें गी सूचना ते प्रसारण मंत्रालय दी जिम्मेदारी सौंपी गई ऐ। उंदे कश रेल मंत्रालय बी रौहग। हरियाणा दे साबका मुख्खमंत्री मनोहर लाल खट्टर होरें गी घरें मकाने ते शैहरी मामलें दा मंत्रालय दिता गोआ ऐ। किरेन रिजिजू होर पार्लियामानी मामले सरबंधी मंत्री होडन जिसले कि अन्नपूर्णा देवी होरें गी महिला ते बाल विकास मंत्रालय दा कम्मकाज सौंपेआ गोआ ऐ।

<><><><><><>

## **LG-Security**

उपराज्यपाल मनोज सिन्हा होरें कल इक उच्च स्तरीय मीटिंग लाइये सुरक्षा स्थिति दा जायजा लैता। हाल च गै रियासी जिले च गै इक सैलानी बस उप्पर होए दे आतंकी हमले मगरा एह जायजा मीटिंग लाई गई। मीटिंग च सिविल ते पुलस प्रशासन दे अधिकारियें हिस्सा लैता ते एलजी होरें गी रियासी च होई दी वारदात जेदे च आतंकियें शिव खोड़ी श्रद्धालुएं गी निशाना बनाया, इस वारदात च 9 जनें दी मौत होई गई ते 43 जनें घायल होई गए, बारें तफसीली जानकारी दिती। इलाके च चला रदे तुपाई अभियान बारें बी व्यापक जानकारी सांझी कीती गई। इस दौरान एल.जी होरें प्रशासन गी निर्देश जारी कीते जे आतंकियें गी तुप्पी फगड़ने लेई कारवाइएं गी तेज कीता जा। एहदे शा पैहले एल.जी होरें रियासी आतंकी हमले गी बुजदिलाना

करार दिता ते गलाया जे इयै जनेह हमलें गी दना बी बर्दाश नेई कीता जाग। मीटिंगा च दस्सेया गेआ जे पुलस महानिदेशक आर.आर.स्वैन हुंदी दिक्ख-रिक्ख च वारदात गी अंजाम देने आहली थाहर उप्पर मौजूद ऐ ते आतंकियें दा पता लाने लेई अभियान चला रदी ऐ।

<><><><><><>

## AC-Decisions

उपराज्यपाल मनोज सिन्हा हुंदी अगुवाई च कल लग्गी दी प्रशासनिक काउंसल दी बैठक च जम्मू-कश्मीर सेवा भर्ती ताल बोर्ड जे.के.एस.एस.बी बिल्ल 2024 दे मसौदे गी संसद च पेश करने गितै केंद्री गृह मंत्रालय कश जमा कराने दी मंजूरी देई दिती गई। इस बिल च बोर्ड दा चेयरमैन Super time scale या ओहदे कोला उप्पर दे आई.ए.एस अधिकारी गी बनाने दा प्रस्ताव रक्खेआ गेआ ऐ, भाएं ओह सेवा च होए या पिंशनी आई चुके दा होए। प्रशासनिक काउंसल ने मकामी निकाएं च होरनें पिछड़े वर्गे यानि ओबीसी दे आरक्षण गी लागू करने च सखाल लेई इक बक्खरा पिछड़ा वर्ग आयोग बनाने दी मंजूरी बी देई दिती ऐ तां जे 2024 बरे आले जम्मू-कश्मीर मकामी निकाएं दे नियमें च संशोधन सरबंधी कनून गी लागू कीता जाई सकै। इस आयोग गी औंदे मकामी निकाएं दे चुनां कोला पैहले पैहल पिछड़े वर्गे दी नुमायंदगी बारै अध्ययन ते जांच दा कम्म मुकम्मल करी लैना होग। तोआई एहदे अलावा, प्रशासनिक काउंसल नै कठुआ जिले दे धम्बरा महानपुर गां च मती सुरक्षा आली जेल च बक्ख-बक्ख श्रेणी दियां 342 असामियां कड्डने दी बी मंजूरी दिती ऐ। एहदे कन्नो-कन्नी सरनाल अनंतनाग च जिला अदालत परिसर दे निर्माण दी बी मंजूरी दिती गई ऐ जेदे पर

अंदाजन कोई 1 अरब 6 करोड़ 69 लकख रपे दी लागत औग ते एह रकम यू.टी कैपेक्स बजट चा खर्च कीती जाग।

<><><><><><>

### **Amarnath Yatra J&K**

जम्मू-कश्मीर दे सूचना विभाग दे डरैक्टर जतिन किशोर होरें कल इक्क मीटिंग लोआइये श्री अमरनाथ जी जातरा दे प्रबंधें ते जम्मू-कश्मीर फिल्म नीति 2024 दी अमल आवरी दा जायजा लैता। इस दौरान निदेशक होरें औंदी अमरनाथ जातरा लेई कीती जा रदियें सब्बै तैयारियें बारै बक्ख-बक्ख जिला सूचना अधिकारियें थमां प्रतिक्रिया हासल कीतियां। मीटिंग दौरान किश संजीदा मसले जियां अमले दी कमी, लोकें तगर सूचना पजाने आहले सिस्टम दी मौजूदगी, अमले ते मशीनरी गी लेइये जाने आहिलियें गइडियें दी खरीद ते दुए मुद्दें उप्पर चर्चा कीती गई। सूचना विभाग दे डरैक्टर होरें मीटिंग च जम्मू-कश्मीर फिल्म नीति 2024 दा बी जायजा लैता। उनें अधिकारियें गी फिल्म निर्माताएं गी सहयोग देने लेई गलाया। उनें फिल्म नीति दी असरदार अमल आवरी गी यकीनी बनाने दे बी निर्देश जारी कीते।

<><><><><><>

### **Kabra**

जल शक्ति विभाग दे अतिरिक्त मुख सचिव शालीन काबरा होरें कल लोकें गी प्रोत्साहित कीता जे ओह बक्ख-बक्ख विकास पैहलकदमियें बारै अपनी प्रतिक्रिया सोशल मीडिया दे राएं सांझी करन तां जे उंदे इलाके च चला रदे बक्ख-बक्ख कम्में बारै पूरी जानकारी हासल करने च मदाद मिली सकै ते कम्में दे म्यार च सुधार ते समें उप्पर ओहदे मुकम्मल होने च बी मदद

मिली सकै। उनें अधिकारिये गी लोके दे हक च सुविधाएं गी समे उपपर उन्दे तगर पजाने दे बी निर्देश दिते। अतिरिक्त मुख सचिव होर कल चौकी चौरा जम्मू च इक जनसभा गी संबोधित करा रहे हे।

<><><><><><>

### **Aditya L1**

भारतीय अंतरिक्ष अनुसंधान संगठन इसरो नै आदित्य एल-वन उपग्रह आस्सेआ खिच्ची गेदियां सूरज दियां शानदारद तस्वीरां जारी कीतियां न जेहिइयां मेई म्हीने आए दे इक बड्डे जियो मैगनेटिक तूफान दौरान खिच्चियां गेदियां न। अंतरिक्ष दे लैग-रेंज प्वाइंट परा एह फोटुआं सौर पैरा बेंगनी फोटू खिच्चने च सक्षम दूरबीन VELC कोरोनाग्राफ दी मदद कन्नै लैतियां गेदियां न। इसरो आस्सेआ जारी इनें फोटुएं च सूरज दी तरह पर अगू दे बड्डे-बड्डे भांबडे समेत उत्थे होने आली मखनातीसी गतिविधिं दे असर आले सक्रिय क्षेत्र बी साफ दिक्खे जाई सकदे न।

<><><><><><>

### **CS-Solarization**

मुख सचिव अटल डुल्लू होरे जम्मू-कश्मीर केंद्र शासित प्रदेश च सरकारी इमारतें पर सोलर पैनल लाने दे कम्मै तैहत हासल प्रगति ते रफतार दा जायजा लैता। मुख सचिव होरे इस महत्वकांक्षी कार्यक्रम दे महत्वै पर लो पांदे होई आखेआ जे एहदे नै बिजली दी दस्तयाबी दी स्थिति च बड़ा मता सुधार होग। उनें कम्मै गी तौले तोड़ चाड़िए लागू करने पर जोर दिता ते आखेआ जे एहदे लेई उपलब्ध संसाधनें ते मनुक्खी वसीले दा पूरा-पूरा इस्तेमाल कीता जा तां जे जम्मू-कश्मीर अपने आपे च सौर उर्जा दे इस्तेमाल आला मुखे दा इक आदर्श प्रदेश बनी

सकै। उनें होरनें राज्ये आस्सेआ इस भेठा अपनाए जा रदे नियमें ते तौर-तरीके गी अपनाने पर बी जोर दिता। उनें इस महतवकांक्षी कम्मै लेई उपलब्ध रपे पैहे दी स्थिति ते एहदी असरदार ढंगे नै अमल आवरी गिते बनाई गेदी योजना बारे बी तफसीली दजानकारी हासिल कीती जेदे च टेंडर जारी करने, डेटा तैयार करना, सरबंधित धड़े कन्ने संपर्क ते इस चाल्ती दे होर केई कम्म शामिल न।

<><><><><><>

### **Dullu**

मुख्य सचिव अटल डुल्लू होरे खीर भवानी मंदरे दा दौरा लाया ते 14 जून गी शुरू होने आहले खीर भवानी मेले दिये तैयारिये दा जायजा लैता। अपने दौरे दौरान मुख्य सचिव होरे मेले च श्रद्धालुं गी दिते जाने आहिलिये बक्ख-बक्ख सुविधाएं दी समीक्षा कीती। उनें सब्बनें विभागें गी आपसी तालमेल बनाइये कम्म करने लेई गलाया तां जे मेले उप्पर यात्रुएं गी कुसा परेशानी दा सामना नेई करना पवै।

<><><><><><>

### **CS-HADP**

मुख्य सचिव अटल डुल्लू होरे मती तरजीह आले ते राईबाई क्षेत्र दे पूरे पराते विकास सरबंधी फ्लैगशिप कार्यक्रम .. दी समेंसिर, असरदार ते कामयाब अमल आवरी यकीनी बनाने लेई कीते जा रदे कम्ममें ते गतिविधिएं दी समीक्षा कीती। एहदे लेई लोआई गेदी इस विशेष बैठक दे एजेंडे च बक्ख-बक्ख जिलं दे करसाने दिएं दरखास्ते दी स्थिति, दक्ष किसान पोर्टल राएं

उंदा हुनर ते क्षमता विकास, माली संस्थानें आस्सेआ उनेंगी दोआर दिता जाना ते बक्ख-बक्ख प्रोजेक्टें स्हाबै हासल प्रगति ते उपलब्धिएं दा जायजा लैना शामिल रेया।

<><><><><><>

## Home

गृह विभाग दे प्रधान सचिव चंद्रेकर भारती होरें कल उधमपुर च लोकें तगर पुज्जत बनाने ते उंदे दरपेश समस्याएं बारै जानकारी हासल करने लेई इक कैंप दा सरिस्ता कीता। इस दौरान प्रधान सचिव होरें जिले दे जारी बक्ख-बक्ख विकासशील परियोजनाएं ते बक्ख-बक्ख स्कीमें दी अमल आवरी दा बी जायजा लैता। उनें बक्ख-बक्ख सरकारी स्कीमें कन्नै जुड़े दे अधिकारिण कन्नै मलाटी कीती ते इनें स्कीमें थमां लाह चुक्का रदे लाभार्थियें कन्नै बी गल्लबात कीती। उनें अधिकारिण गी निर्देश दिते जे लोकें दे हर मसले दा हल समें उप्पर कड्डने गी यकीनी बनाया जा।

<><><><><><>

## Heat

भारतीय मौसम विभाग नै अज्ज थमां जम्मू-कश्मीर च तेल गर्जी पौने दी चेतावनी जारी कीती ऐ। जून 10 थमां 17 तरीक तगर मौसम दे खुश्क रोहने ते कुसा-कुसा थाहर हल्की बरखा ते अंधी झक्खड़ दी बी मेद ऐ। कश्मीर ते जम्मू च जंदे ऐतवार शा सोमवार रातीं दे तापमान सामान्य थमां 1 शा 2 डिग्री सेल्सियस घट्ट दर्ज कीता गेआ ऐ।

<><><><><><>